

Myauzcuz Yungzsuij Boq Venz Diuq Foux Coux Bimoq

12 nyied 25 hauh, Yungzsuij Myauzcuz Swciyen banh aen hoihbo Dangqfaenj moix bi cungj aeu guh ndeu. Miz fanh lai boux beixnuengx Myauzcuz daj Gvangjsih、Yinznanz song dieg daeuj daengz Yungzsuij, angq comz youq Ndoidangqfaenj. Gyoengqde ndang daenj buhvaq minzcuz, diuq foux caijdinvenz Myauzcuz、foux gvangjicangz caeuq doxdax boq venz daengj ma angq coux bimoq. Hozdung lij yinx haujlai hekyouz ngonzyawj. Myab yawj gvaqbae, gwnz ndoi laj ndoi vunz lai vunz daih, nauhyied dangqmaz.

(Yungz Senh/融 宣)

► Mehmbwk Myauzcuz diuq foux boq venz.



Son Gisuz Ndaem Raet Coengh Duetgungz

Nanzdanh Yen Cwngz-gvanh Cin Mbanjcungbingz miz aen “Nanzdanh Vaz-gangh Ndaemciengx Cien-nieb Hozcozse” ndeu, dwg Vuz Bingz bouxbing duivuj neix caeuq yah de doxcaez banh, ndaem miz raet-bingz、raetnae、raetmoegngaex ndaem daengj. Seiz-neix miz 8 boux vunz-gungzhoj dangdieg ciengz-geiz youq ndawde guhhong, bi boux ndaej souhaeuj 3.6 fanh maenz ngaenz. Hozcozse lij son gisuz hawj 20 lai hoh ranzndaemraet seiqhenz, coengh gyoengqde demlai souhaeuj ndaej duetgungz.

(Cinz Siujsungh/陈小松)



▲ Vuz Bingz langhbaij dangq daihsam raetnae.

Heiquengh Denzlinz Roengzrag Lajmbanj

12 nyied 24 hauh, Denzlinz Lozlij Cin Vwnzvacan bae daengz gizensjyouq Mbanjbakva son gyoengqvunz lienh yienj Heiquengh. Cawjdaeuz hag bien ciengq Heiquengh、sonlienb byaij daizheiq, hozdung gungh miz 47 bouxvunz camgya. Lozlij Cin Vwnzvacan lij youq segih gungganq laeb hwnj 6 aen doih vwnzyi. Ciuq gyoepsuenq, Denzlinz moix bi youq ndaw yienh yienj baenz 200 lai ciengz Heiquengh, miz 10 fanh lai vunz ngonzyawj.

(Vangz Siufangh/黄秀芳)

Gunghcwngz Bang Ranzgungzhoj Gai Mak



▲ Gij giyez simndei haenx bang ranzgungzhoj gai mak.

Mbwn lienzdaemh nit baenz haijlai nanz, gij lwmak gyoengqvunz diegbya sang nit Gunghcwngz Yauzcuz Swciyen mbaetmak、soucuengq caeuq gaicawx deng nguh haujlai. Laebdaeb geij ngoenz daeuj, Gunghcwngz haujlai giyez simndei haenx foenfoen bang-coh gyoengqvunz daegbied dwg ranzgungzhoj dangdieg gai mak, gajj gij hojnanz gyoengqde, demlai souhaeuj gyoengqde.

(Couh Binjciuh Couh Gvanyau/周品秋 周冠校)